

սաղ, ոմանք մանգիլ, ոմանք ասպարէզ, ոմանք աղաջ և այլն, այս և այլ նման սոցայ հաւաստիւն կայ 'ի բառն հայոց անթերի, և ոչ միայն յինէն անծանօթ նաև ոչ գտի ոք 'ի մէնջ մեր 'ի ժամանակի կենաց իմոց, որում ունիցէր Շնորհս այս, զի տացէր դաս իմոյս անկարուծեան, այլ ես ոչ երկբայիմ որ 'ի միջի մեր գոն բազումք աշխատասէրք և ընթերցողք և հմուտ Հայոց բառբառաց սլ ոք որ իցէ, որ ելցէ և շարադրեսցի ամենայն անուանք չափ և կշիռ մերոյս բառիւ և լուս ածցէ վասն հեշտութեան ազգին իւրոյ յիշատակ նորայ գրուեսցի պատուելի ընդ մէջ մեր, այլ այսքան իմ յիշատակելս վասն բանիս միայնակ պատճառն իմոյ անկարուծիւնն եղև, և ցանկութիւն սրտի իմոյ զօրեղագոյն քանթէ անկարուծիւնն իմ՝ առաջեցայ ես այսպիսի հնարիւք առաջեցուցանել զործ իմ, և սլ ոք ելցէ և մաքրեսցէ խառնիխուռ և բրդեալ անուանքն իմ դրեցեալ առ յայսմ առ 'ի հաւաստի բառբառ Հայոց պարտաւոր զիս առնէ, և ամենեքեան երախտիս նորայ մի մոռանայցեն մինչև յաւիտեան:

Նա ևս հարկաւոր է իմ ասել բարեկամք ընթերցողաց իմոց և հաստատել 'ի միտս ձեր, զի հաստատութիւն զամենայն զոր ինչ բանի 'ի յերեսս երկրի, որում կարէ կալ յաւիտեան, որ նոյն ինքն լինիցի իբր տեսարան 'ի սկն ամե-